



Antiquae Lectionis Tomus ...

In Qvo XVI. Antiqua Monumenta Ad Historiam Mediae Aetatis Illustrandam,
Nunquam Edita

Canisius, Heinrich

Ingolstadii, 1601

Epistola XXXII. Dilecto fratri Illi. Alchvinvs Salvtem.

[urn:nbn:de:hbz:466:1-64144](https://nbn-resolving.org/urn:nbn:de:hbz:466:1-64144)

ra vita gloriam tibi cum Sanctis concedat æternam.

Pars mea, pars valeas; semper sis pars tua Christus.

Eſto memor patris, pars precor alma tui.

EPISTOLA XXXII.

Dilecto fratri Illi.

ALCHVINVS SALVTEM.

DVLCEs tuæ dilectionis accepi literas, mellifluis
sensibus delibutas, apologeticam tenens ratione
quarum melius credebam veritati, quàm falsis
quæ aliorum narrationi. Nam fides amicitie corde con-
stare debet, non linguæ verſibilitate. Utinam dignus essem
pacem prædicare, nõ discordiam seminare; & signum por-
tare Christi, & non arma diaboli. Nunquã tibi scripsissem
si noluissem pacem tecum habere, & quod in Christo ce-
pimus, firmum permanere.

Verè OFFÆ Regi & genti Anglorum nunquam in-
delis fui: sicut hos amicos, quos mihi DEVS donauit, fide-
liter quantum valco, seruabo: sic & hos, quos reliqui in pa-
tria. Pauci sunt dies mei, & hos ipsos cum dolore flagellum
suffero: ideo te obsecro, vt in Domino, quos valeas, mihi
intercessores acquiras.

Multis miseriis turbatum est hoc seculum, & non est re-
frigerium in eo, nisi in misericordia DEI, & fide amicorum.
Nudi venimus, & nudi recedimus: nisi qui bonis animam
vestiat operibus. Vt tibi, charissime frater, tempus vel locus
occurrit, semper DEI suade voluntatem omnibus personis
Regi suauiter, Episcopis honorificè, Principibus fiduciale-
ter, omnibus veraciter. Nostrum est seminare, DEI fru-
ctificare.

Nec

Nec vlla tibi alicuius disensionis inter nos remaneat suspicio. Nec simus ex illorum numero, de quibus dictum est: Non veni pacem mittere, sed gladium: sed ex illo numero, ad quos dictum est; Pacem meam do vobis, pacem meam relinquo vobis: vt pax Christi, quæ exsuperat omnem sensum, custodiat corda vestra, in charitate Christi, & dilectione fraternitatis. Paucis scripsi literulis: quia sapienti pauca sufficiunt. Sed te plurima DEI dona glorificent in æternum dilectissime frater.

Matth. 10.

Ioan. 14.
Philip. 4.

EPISTOLA XXXIII.

Dulcissimo dilectionis filio Ill.
salutem.

Radoni Abbati.

Dilectionis vestræ venerabile sequutus præceptum, vitam S. Vedasti patris vestri, & intercessoris nostri emendare studui; non quòd aliquid illius excellentissimis meritis dignum dicere valuissem, sed quòd nihil tuæ reuerentiæ iussis denegare ratum putavi. Idcirco ad te maximè pertinet harum laus, vel vituperatio literarum. Utinam tibi, & fratribus, qualescunque sint, placeant; deprecans, vt meum laborem, orationum vestrarum solatio remunerare dignemini: & vnus merear esse vestrum in charitatis communiõne; illius semper memores mandati, qui dixit: Hoc est * mandatum meum, vt diligatis inuicem. In hoc enim mandato omnium salus consistit.

Vide not. 46.

* Surij editio:
præceptum.
Ioan. 15.

Hoc cunctis pernecessarium esse cõstat, & maximè his, qui gregem Christi regendū accipiunt: quapropter tu, charissime fili, gregē, quem accepisti regendum, fraterno amore diligenter erudire studeto; & sanctis admonitionib. eum

K 2 per

REGAN
SII
omg. m.
SIV
24